



SPRACHWELTEN

Datti in tipic sport?

En ils giuvens onns smatgan ils geniturs als mats ina palutta dad uni-hockey en ils mauns u annunzian las mattas en ina scola da ballet. È quai propi necessari? L'enviern pon ils uffants, feminins sco masculins, era decider sezs sch'els vulan ir cun snowboard u cun skis. Datti in tipic sport per las duas schlattainas?

Sch'ins pensa al sport da cumbat, ves'ins plitost in mattatsch en il judo ch'ina mattatscha. Quai numnan ins sugestiun. Schebain che las mattas avessan probablmain era l'intenziun da visitar in curs da boxar, desistan ellas. «Jau na poss betg boxar, quai è in sport da buobs.» E ballape n'è era betg in tema. Tuttina exista in chavazzin: «Bend it like Beckham» u «Kick him!». Quai è in film che tracta il ballape, ina domena dals umens. La giuvna da 18 onns posseda in ami da tgirom, la balla. Per ina matta da l'India n'èsi betg tipic da giugar ballape. Encunter la voluntad dals geniturs viva ella il sport da mats. La giuvna talentada è entusiasmada dal ballape.

Na fissi betg meglier da giudair la passiun senza guardar a dretg e sanester? Ins na sa mai, sch'ins chattass insatge meglier, sch'ins na ristga betg insatge en la vita. Quai è en bliers cas uschia. E tar il sport, ina da las activitads las pli nunprivlusas, èsi carmalant da fufragnar en in'otra disciplina da sport. Tgi che ha l'intenziun da far quai, duai suandar ses instinct. Jau na pens betg ch'i dettia in tipic sport per mats u mattas. L'important è ch'ins haja plaschair da l'activitad. E tgi sa, sco giuvna han ins forza uschia schizunt ina giada la pussaivladad da s'entupar cun David Beckham sin il plaz da ballape. Il siemi fiss alura perfetg. Pia, tschertgai e chattai voss sport preferi!

Sibylle Pfiffner